



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 120. An sufficiat acceptatio tacita, æquivoca, diu pòst secuta.

urn:nbn:de:hbz:466:1-42561

Q. 120. An sufficiat ^{acceptatio} æquivoca, tacita, 781
diu post secuta. R. §. 1. Tacitam sufficere negant
Tiraq. Rodriq. Turr. & alii, quia is, qui tacet, non
fatetur, uti habetur Reg. 44. Juris in 6., ergo ex
hoc, quod aliquis taceat, non presumitur con-
sentire. Econtra sufficere affirmant Mol. Sanch.
& alii cum Dicast. 1. 2. t. 4. n. 112. quia quando
agitur de commodo tacentis, qui tacet, consenti-
re videtur, uti habet Reg. 43. Juris in 6. Limitat
Lugo n. 82., nisi res oblata non esset adeo grata
illi, cui offertur, ita ut ex circumstantiis posset
colligi, quod eam non curaret, tum enim ex hoc,
quod taceret, non posset colligi consensus, quam-
vis res de cætero illi foret utilis; altera vero re-
gula, qui tacet, non fatetur, habet locum quando
agitur de incommodo tacentis, uti Auctores
communiter explicant; regula autem sic habet:
Is qui tacet non fatetur, sed nec utique negare vide-
tur, unde quamvis contractus sit onerosus, ex
aliis conjecturis conjiciendum est, an tacens vi-
deatur consentire, nec ne.

§. 2. Si acceptatio sit æquivoca, v. g. si fiat 782
his verbis, habeo gratias pro optimo erga me affectu,
sufficit, si reipsa subsit animus acceptandi, quia
verba æquivoca determinantur per intentio-
nem loquentis.

§. 3. Si promissio fiat præsenti, acceptari de- 783
bet in continenti, vel quasi in continenti, morali-
ter loquendo, L. 137. ff. De verb. oblig., Promis-
sor enim censetur nolle diu suspendere conser-
sum suum, nisi aliud constaret, Platel. n. 600.
Quando autem Az. Regin. & Dicast. n. 112. di-
cunt promissionem semel factam, cum non re-
vocatur, durare, ideoque post multum temporis

posse à promissario acceptari, intelligendi sunt
quando ex circumstantiis colligi potest adhuc
784 durare illam intentionem in promittente.

Q. 121. Quomodo promissio absenti facta valeret, vel acceptari possit. *R.* Colligi poterit ex seq.
§. 1. Si promissio fiat absenti per verba directa ad absentem, alius, qui præsens est, non potest validè acceptare, *Dicast.* I. 2. t. 4. n. 132. & ali. Econtrà si fiat absenti per verba directa ad alium præsentem, poterit hic præsens quandoque acceptare nomine absentis, v. g. si dicas coram me promitto Titio, qui nunc Romæ est, 100., non possum acceptare pro Titio, sed si dicas, promitto tibi, quòd Titio velim dare 100., fieri potest ut quandoque validè acceptem secundum dicta n. 789.

785 §. 2. Promittens ordinariè non vult obligare absenti, nisi promissionem ipsem per epistolam vel nuntium manifestet, hinc promissario aliunde resciens invalidè acceptaret, uti cum communis *Dicast.* n. 159. & *Haun.* t. 9. n. 15. Quòd si putares promissarium abesse, & diceste ei promittere, quamvis ipse præsens audire & acceptaret, non obligareris, uti rectè *Lugd.* 23. n. 73. Ratio utriusque est, quia ut promissio validè acceptetur, debet promittens illam offerre, sed non offert, quamdiu ipse non dirigit voluntatem suam ad promissarium, ergo. Dicitur ordinariè, nam si promittens publicè manifestaret promissionem, eo animo, ut notitia huius modo ad promissarium perveniret, satis esse per quemcunque deferri.

786 §. 3. Quando promissio commissa fuit nuntiatio, qui eam offerret, ut alter, si vellet, acceptaret,